



სსიპ კოლექტივი „ფაზისი“

პირველადი გადაუდებელი დახმარების აღმოჩენისა და
სანიტარულ-ჰიგიენური ნორმების დაცვის
წესი

ფოთი
2023 წელი

მუხლი 1. ზოგადი დებულებები

1.1. ეს წესი არეგულირებს სსიპ კოლეჯში „ფაზისი“ (შემდგომში - კოლეჯი) პირველადი გადაუდებელი დახმარების აღმოჩენისა და კოლეჯის შენობასა და ტერიტორიაზე სანიტარულ-ჰიგიენური ნორმების დაცვის წესსა და პირობებს.

1.2. პირველადი გადაუდებელი დახმარების აღმოჩენაზე პასუხისმგებელია კოლეჯის მედდა.

1.3. სანიტარულ-ჰიგიენური ნორმების დაცვას კოლეჯში უზრუნველყოფენ კოლეჯის დამლაგებლები და მეეზოვე.

მუხლი 2. პირველადი გადაუდებელი დახმარების აღმოჩენის მექანიზმები

2.1. პირველადი გადაუდებელი დახმარების კაბინეტი

2.1.1. კოლეჯი უზრუნველყოფს კოლეჯში დასაქმებულებისა და პროფესიული სტუდენტებისთვის/მსმენელებისთვის კანონმდებლობით დაშვებული პირველადი გადაუდებელი დახმარების გაწევას.

2.1.2. პირველადი გადაუდებელი დახმარების შესაბამისი ინვენტარი განთავსებულია კოლეჯის ორივე ლოკაციაზე, მედდის კაბინეტში.

2.1.3. კაბინეტი აღჭურვილია პირველადი გადაუდებელი დახმარებისათვის საჭირო სამედიცინო ინვენტარით, სამედიცინო და ჰიგიენური საშუალებებითა და მედიკამენტებით.

2.1.4. კაბინეტის ფუნქციონირებას უზრუნველყოფს მედდა ან დირექტორის მიერ დანიშნული პასუხისმგებელი პირი/პირები.

2.1.5. პასუხისმგებელი პირი შეიძლება იყოს შესაბამისი უმაღლესი ან/და პროფესიული განათლების მქონე პირი, ან პირი, რომელსაც გავლილი აქვს პირველადი გადაუდებელი დახმარების აღმოჩენის შესაბამისი ტრენინგი.

2.1.6. კოლეჯში დასაქმებულები, პროფესიული სტუდენტები/მსმენელები ინფორმირებულნი არიან კაბინეტის მდებარეობისა და ფუნქციონირების შესახებ, კოლეჯის შენობაში ყველა სართულზე და მათ შორის აუდიტორიებსა და სახელოსნოებში, განთავსებულია პასუხისმგებელი პირის მობილური ტელეფონის ნომერი, რომელიც საჭიროების შემთხვევაში უზრუნველყოფს შესაბამისი ზომების მიღებას.

მუხლი 3. პასუხისმგებელი პირის უფლებები და ვალდებულებები

3.1. პასუხისმგებელი პირი უფლებამოსილია:

- 3.1.1. კოლეჯის დირექტორს მიმართოს პირველადი გადაუდებელი დახმარების აღმოჩენისათვის აუცილებელი სამედიცინო საშუალებებით კაბინეტის აღჭურვასთან დაკავშირებით;
- 3.1.2 კოლეჯის დირექტორს წარუდგინოს შესაძენად აუცილებელი სამედიცინო საშუალებების ნუსხა;
- 3.1.3 იზრუნოს კაბინეტის ჰიგიენურ მდგომარეობაზე და უწყსრიგობის შემთხვევაში მიიღოს შესაბამისი ზომები;
- 3.1.4 კოლეჯის დირექტორს მიმართოს პირველადი გადაუდებელი დახმარების აღმოჩენისათვის აუცილებელი სამედიცინო საშუალებების დაზიანების შემთხვევაში, შესაბამისი საშუალებებით ჩანაცვლების თაობაზე.

მუხლი 3.2. პასუხისმგებელი პირი ვალდებულია:

- 3.2.1. კოლეჯში დასაქმებულებს, პროფესიულ სტუდენტებს/მსმენელებს გაუწიოს პირველადი გადაუდებელი დახმარება;
- 3.2.2. გამოიძახოს სასწრაფო სამედიცინო დახმარება და დაუყოვნებლივ მიაწოდოს ინფორმაცია კოლეჯის ხელმძღვანელობას, არასრულწლოვანი პროფესიული სტუდენტის/მსმენელის შემთხვევაში, ასევე მშობელს/კანონიერ წარმომადგენელს;
- 3.2.3. პრევენციის მიზნით, გასცეს ინფორმაცია ინფექციური თუ ვირუსული დაავადების გავრცელების შესახებ ან/და მითითებები მათი გავრცელების თავიდან აცილების პირველადი ღონისძიებების თაობაზე;
- 3.2.4. აკონტროლოს კაბინეტში არსებული სამედიცინო საშუალებების ხარჯვა და ვარგისიანობა, ასევე სამედიცინო ინვენტარის გამართული ფუნქციონირება;
- 3.2.5. აწარმოოს გამოყენებული სამედიცინო საშუალებების აღრიცხვა.
- 3.2.6. პასუხისმგებელი პირი უზრუნველყოფს კაბინეტში განთავსებულ მატერიალური ფასეულობების, მათი შენახვის/გამოყენების წესების დაცვას.

მუხლი 4. სანიტარულ-ჰიგიენური ნორმების დაცვა

4.1. დამლაგებლები კოლეჯში სანიტარულ-ჰიგიენური ნორმების დაცვის მიზნით უზრუნველყოფენ:

- 4.1.1. კოლეჯის სასწავლო აუდიტორიების, სახელოსნოების, ადმინისტრაციის სამუშაო ოთახების მშრალი და სველი წესით დალაგებას ყოველდღიურად;
- 4.1.2. კოლეჯში არსებული სველი წერტილების სპეციალური ქიმიური საშუალებებით ზედმიწევნით დასუფთავებას, საპირფარეშოებში ტუალეტის ქაღალდების, ხელსახოცების, ხელის დასაბანი საშუალებებისა და ყველა საჭირო ნივთის დროულ განთავსებას.
- 4.1.3. კოლეჯის შენობიდან ნაგვის გატანას და სანაგვე ურნების გასუფთავებას საჭიროებისამებრ.
- 4.1.4. კოლეჯის შენობის შიდა სივრცეების - მათ შორის კიბეებისა და დერეფნის სველი წესით დალაგებას ყოველდღიურად.

4.2. მეზოვე კოლეჯის ეზოში სანიტარულ-ჰიგიენური ნორმების დაცვის მიზნით უზრუნველყოფს:

- 4.2.1. კოლეჯის ეზოსა და მიმდებარე ტერიტორიის დალაგებას ყოველდღიურად;

4.2.2. კოლეჯის ეზოდან ნაგვის გატანასა და სანაგვე ურნების გასუფთავებას;

4.2.3. კოლეჯის ეზოში ნარგავებისა და ბალახის საფარის მოვლა/მოწესრიგებას.

5. სანიტარულ-ჰიგიენური ნორმების დაცვის კონტროლი

კოლეჯის დამლაგებლების მიერ კოლეჯში სანიტარულ-ჰიგიენური ნორმების დაცვის კონტროლს ახორციელებს კოლეჯის მატერიალური რესურსების უზრუნველყოფის კოორდინატორი.